

SAMOA

O lenei fa'aaliga o le 'a fesoasoani lea ia te oe i le sauniuniga o pepa sa'o o lo'o mana'omia mo lau tusi apalai mo le sitiseni po'o le taganu'u.

O Ulua'i pepa (originals) e tatau ona lafoina mai ma lau tusi apalai.
Aua ne'i lafoina maia ni kopi o ulua'i pepa. O le a matou lē taliaina ni kopi.

O pepa nei e tatau ona e lafoina mai ma lau tusi apalai:

- **Pepa Fanau**
- **Tusi Folau**
O Tusi Folau uma e aofia ai le 5 tausaga ua mavae.
- **Fa'amaoniga e mafai ona e tautala i le gagana fa'aperetania (Igilisi)**
Mo se fa'ata'ita'iga; se tusi pasi mai le International English Language Testing System (IELTS); se tusi mai lou Pule i le galuega o lo'o e i ai nei; sau tusi po'o se fa'aailoga mai kolisi po'o a'oga maualuluga i Niu Sila.

Afai ua **suia lou igoa** i so'o se mafua'aga lava, e tatau ona e lafo maia mea nei:

- **Pepa Fa'aipoipo/Pepa e tatala ai le fa'aipoipoga**
Afai ua suia lou igoa ona ua e fa'aipoipo fa'amolemole e lafo mai pepa fa'aipoipo po'o pepa fa'amaonia e tatala ai le fa'aipoipoga, mo so'o se fa'aipoipoga sa e i ai.
- **Isi Pepa Fa'amaonia O le Suiga O Lou Igoa (Fa'ata'ita'iga: Tusi Resitara o lou Suafa Matai)**
Afai ua suia lou igoa fa'aletulafono, fa'amolemole lafo mai tusi fa'amaonia o le suiga o lou igoa.
- **Pepa o le Vaetamaina Fa'atama fai**
Afai na vaetamaina oe e avea ma tama fai e ala i le tulafono, e tatau ona e lafoina mai lou ulua'i pepa fanau, lou pepa fanau fou po'o pepa o le fa'aliliuga.

Afai e lē o ia te oe nei pepa fa'amaonia, e mafai ona e fa'afeso'ota'ia le *Ofisa o le Lesitara o ē fananau, Maliliu, Fa'aipoipo ma Fa'aliliu, Matagaluega o Fuainumera Faamauina, P O Box 1151, Apia, Samoa* ma talosaga i ai ina ia lafoina mai nei pepa ia te oe. E mafai fo'i ona e fa'afeso'ota'ia le Amapasa mo se fesoasoani:

SAMOAN HIGH COMMISSION TO NEW ZEALAND

Street Address 1A Wesley Road, Kelburn, Wellington 6012.

Postal Address PO Box 1430, Wellington 6140.

Telefoni: 04 472 0953/4

Fasimeli: 04 471 2479

I-meli: shc@paradise.net.nz

Fa'amolemole ia manatua o lenei lisi o pepa fa'amaonia e lē o le lisi mulimuli lea. O le tagata o le a vaaia lau tusi apalai mo le sitiseni o le a logoina oe pe ā toe mana'omia nisi o pepa fa'amaonia e toe lafoina mai i se taimi mulimuli pe lapata'ia fo'i oe e te fa'atasi atu i se fa'atalatalanoaga (interview).

Mo nisi fa'amatalaga e uiga i le fa'atumuina o lau talosaga mo le sitiseni (taganu'u), pepa e talia ma le fa'aliliu upu fa'amolemole e va'ai i le ta'iala mo le fa'atumuina o tusi apalai i le (www.citizenship.govt.nz), vala'au mai i le 0800 22 51 51 pe asiasi ane fo'i i se tasi o a matou ofisa i (Aukilani, Manukau, Ueligitone, Kalaiesetete).